

Taniyele mulicini wa amwaco



Baseado na passagem bíblica: Daniel 6

SIM

C.P. 265

Lichinga, Niassa, Moçambique



Taniyele aari ooYerusalemu. Yoowo aakushiwa akerihiwa elapo ya oPaapulu. Mwene oPaapulu weiwo aari Taariyu. Taniyele aari mmoha a ahooleli a mwene. Aanamulapelasha mwene Taariyu. Wa nthowa nenla, mwene aakhwela omuthamala vatokotoko. Mwene aakhwela omooniherya wi aahakalalasha. Aakhwela tho omucicimiha vamiithoni va anamuteko oothene a mwene.




Ahooleli akina oothene hiyaamukhwela Taniyele. Yaanamwaavyavya wi emphwanyere nthowa noonanara. Nto hiyaampwanyenre nthowa yoowo. Vaavaa alopwana yaahuupuwela: “Nimwaavyavye omvekela wawe Muluku awe. Vaavaa nimvahe nthowa.”

Yaawo yaaya wa mwene. Yii wa Yoowo: “Nyuwo mwene Taariyu mwa ikurusha. Hiyo achu oothene noovekekeeni nyuwo. Nihimvekeke muchu mukina. Anii amveke muluku mukina voohikhala nyuwo, iiphiwe. Amwene emurihele muchu yoowo mulicini wa amwaco. Nyuwo amwene mpake nlamulo nene.”



Hiihaa amwene mwaamoona wi miruku yaphaama. Mwaapanke nlamulo. Hii vovo ii aviihevo nlamulo nenlo.



Taniyele aahiiwa sa nlamulo na hihano. Taniyele aavolowa okuponi wawe. Ishanela seera ihuliwe. Yoowo aapacerya ovekela. Aaneerano hiiha oraru vanihikuni. Nto alopwana yaale yaahirwa weiwe. Yaamphwanya Taniyele amvekelaka Muluku awe.



Yaamukeriha Taniyele wa mwene. Yaamootherya yoowo va miithoni wa mwene. Yaawo yaahi: “Nyuwo amwene Taariyu. Noompwanya Taniyele avekelaka. Amvekaka Muluku awe. Oochekela nlamulo na mwene.”

Oo amwene! Yaachuna omoopola Taniyele! Nto hiyaawerya ovirikanya nlamulo.



Vaavaa mwene aahi: “Mmurihele Taniyele mulicini wa amwaco!”

Mwene aahi tho wa Taniyele: “Weyo onamulapa Muluku aa. Kinnaroromela wi Muluku aa taikuru. Kinnaroromela wi onamuwaakiha.”




Vaavaa mwene
aakokela ompani wawe.
Mwene haakonne
phaama.
Aahuukhuwasha nthowa
na Taniyele.



Wooshishelo ene
aavinya. Aaya olicini wa
amwaco. Athananaka
aamwiichana Taniyele:
“Weyo Taniyele,
namuteko a Muluku
eeparipari. Wa mukumi?
Muluku aa owerya
owaakiha wa amwaco?”



Taniyele aahakhula: “Nyuwo amwene mukhaleke mukumi! Miyo ka mukumi. Muluku aka okirumihela munkeelo awe. Munkeelo aphuta iyano sa amwaco. Yaawo ehikeerela yoonanara. Muluku oosuwela wi nkiino nthowa.”



Mwene Taariyu aahakalalasha. Yoowo aahi:
“Mmukumihemo Taniyele mulicini wa amwaco.”

Vaavaa yoowo aavihiwamo mulicini.

Haapwanyiweno nikhwaca nari mano meerekwekhwe.
Taniyele aamuroromenle Muluku awe. Muluku
aamvulusha yoowo wa amwaco.



Mwene aahi: “Mwaakushe alopwana yaale amoothenrye Taniyele. Naarihele yaawo mulicini wa amwaco.”

Yaariheliwamo mulicini. Yaawo hiyaaphin’ye vathi. Amwaco yaawiipha yaakhuura.



Hiihaa mwene Taariyu aarepa ekaratha. Yoowo aahaarumihela achu oothene. Aarempa hiiha: “Kinakhwela murecele wa nyuwo oothene. Miyo kinnolamulelaani oothene eelapo aka. Nyuwo mmwiiweleleke ni omicicimiha Muluku a Taniyele. Yoowo tori Muluku mukumi ni oohimala. Haavovo onawerya omaliha omwene awe. Ikuru sawe ti sookhala wookhala. Yoowo onnavulusha ni waakiha. Oomvulusha Taniyele mwa amwaco.”

Muthanle yooloca yeeparipari:

- Mwene Taariyu aariheliwa mulicini wa amwaco.
- Taniyele aariheliwa nlici waaharimo amwaco.
- Amwaco hiyaamphoreihela Taniyele.
- Yaawo yaamoothenrye Taniyele yaahiphiwa ti amwaco.
- Mu elukuluku ya mwene Taariyu, Taniyele aalima imaca.

Ficha Técnica

Título: Taniyele mulicini wa amwaco
(Daniel na Cova os Leões)
(Daniel and the Lions' Den)

Língua: Elomwe

Ilustrações: SIL - Perú

Primeira edição electrónica, 2010

Produzido por: SIM
lidemo.net@gmail.com
C.P. 652
Nampula, Nampula
Moçambique

O utilizador pode copiar e distribuir a obra

